

ALL NATIONS GOSPEL PUBLISHERS



www.angp-hb.co.za



info@angp.co.za

AN KASINGKASING HA TAWO
O
AN ESPIRITUAL NGA SALAMIN HA KASINGKASING

Tikang ha Prancia hini nga gutiay nga barasahon nga may ada mga ladawan para ha dugang nga pahamangno ha tuig 1732. Gintawag ngan nakilala hini nga “Espiritual nga Salamin ha Kasingkasing” o “Libro ha Kasingkasing”, ngan tungod ha halarom nga kamatuoran nga espirituhanon nga kabirihon, nagpapadayon an sirkulasyon hini ha halus tanan nga yakan han Europeo amo man ha damo nga yakan han Aprikano. Ginbabasa hini ha tanan nga mga katawhan han nagka-iba-iba nga tinoohan.

Damo an kinarawat ha kamato-uran han saad ha Diyos ha Da-an nga tugon nga natutuman ha Bag-o nga Tugon. “Akon liwat kamo tatagaan hin bag-o nga kasingkasing, ngan han bag-o nga espiritu ibubutang ko dida ha iyo” (Ezekiel 36: 26; Heb. 8: 10).

An nga tanan nga nagbubuhath hin sala nagtatalapas man ha balaud; ngan an sala pagtatalapas ha balaod.

Ngan hinbaro-an man liwat niyo nga hiya nag pahayag ha pagtubos ha mga sala, ngan ha Iya waray hin sala.

An ngatanan nga aada ha Iya diri magpakasala; an ngatanan nga nagpakasala waray makakita ha Iya bisan ha pagkilala ha Iya.

Mga anak, kinahanglan nga waray magkakawara ha iyo; an nagbubuhath hin katadungan amon an matadong; sugad nga hiya matadong.

An nagbubuhath hin sala, hiya yawan-on; kay an yawa nakasala tikang ha tinikangan. Tungod hini, an kalo-oy han Anak ha Diyos iginpahayag; basi ha pagwakay ha mga buhat han mga yawa.

Bisan hin-o nga ginpanganak tikang ha Diyos diri nagbubuhath hin sala, kay an katulinan ha Diyos maaada man ha Iya; ngan diri hiya makasala, kay pinanganak man hiya han Diyos.

Makilala kon hin-o an mga anak han Diyos ngan hin-o an mga anak han yawa pinaagi hini: bisan hin-o nga waray magpakamatadong ngan waray mahigugma ha iya bugto, hini hiya diri ha Diyos.

(I Juan 3: 4-10)

AN KASINGKASING HA TAWO

TEMPLO HA DIYOS O BUHATAN NI SATANAS

I Juan 3:4-10)

Ha imo pagbasa hini nga libro, itatanom ha imo hunahuna nga amo hini an salamin nga makikita mo an imo kasingkasing. Bisan diri ka kristiyano o wary tino-ohan o harayo ka ha Diyos, makikita mo an imo kalugaringon sugad ha pagkita ha Diyos ha imo.” An tawo nagkikita han kamotangon ha gawas, kundi hi Jehova nagkikita han kasingkasing” (I Samuel 16:7).

Hi Satanás amo an amay ha tanan nga buwa-on. Hiya an prencipe ha kasisidman ngan diyos ha kalibutan. Hi Satanás naghihimo ha iya kalugaringon nga anghel ha kalamrag basi ha paglimbong ha katawhan. Niyan nga mga adlaw, sugad man liwat hadto damo an mga buwa-on nga mga apostoles ngan mga tawo nga paralimbong sugad nga mga sumosunod ni Kristo. Diri urosahon kay hi Satanás nagbibisti ha pagkanghel ha kalamrag (2 Cor. 11:13-14). Hi Satanás nga diyos ha katawhan ngan kalibutan, nagbubuta ha mga mata ngan hunahuna ha mga tawo basi diri hira mahibaro nga ni Jesus namatay basi ha pagluwas ha kadam-an. “Hira ginhadi-an han espiritu ha diyos ha kalibutan” (Ef. 2:2). Kon an ira mga mata diri makakita ha ira maraut nga kinabuhi, an waray katapusan nga pagkalaglag amo an ira dadangatan. An nagsisiring nga “waray ako hin sala naglilimbong ha iya kalugaringon. Tungod hini nga katuyo-an an Anak han Diyos iginpapahayag basi ha pagwakay ha mga buhat han yawa” (I Juan 3:8). “Sanglit magpasakup kamo ha Diyos; kundi tigi-a niyo an yawa, ngan mopalagiw hiya ha iyo. Paharani kamo ha Diyos, ngan maharani man hiya ha imo” (Jacobo 4:7-8).

Ha pagbasa mo hini nga libro upod an mga ladawan, makikita mo an imo kalugaringon nga kasingkasing. Karawata nga ikaw makasasala ngan ayaw iglirong an imo sala. An pulong ha Diyos nagsisiring ha aton nga “kon kita sumumat nga waray ta sala naglimbong la kita ngahaw ha aton kalugaringon, ngan an kamatuoran waray dinhi ha aton. Kon isusumat ta

an aton mga sala, hiya matinomanon ngan matadong ha pagpasaylo ha ton mga sala ngan paghugas ha aton ha ngatanan nga karautan” (1 Juan 1:8-9). “Ngan an dugo ni Jesus nga iya anak naghuhugas ha aton tikang ha ngatanan nga mga sala.” (1 Juan 1:1-10).

An Diyos o hi Satanas amo an naghadi ha imo. Uripon ka ha sala o suroguon ha Diyos. Kon an sala amo an naghadi ha imo kinabuhi diri ka magbubuwa, tawaga an Diyos. Tataga-an ka hin kaluwasan dida kan Jesus Cristo nga nakanhi ha kalibutan basi ha pagluwas ha mga makasasala ngan ha pagwara ha gahum ni Satanas ngan ha sala nga naguripon ha aton. Hiya an aton kaluwasan. Ikaw aada ha atubangan ha Diyos nga baraan nga nagkikita ha ngatanan nga gintatago ngan maaram hiya ha imo hunahuna ngan binuhatan kay “an nagbutang han talinga, diri ba hiya makakabati?” Hiya nga naghihimo han mata diri ba hiya makakakita?” (Salmo 94:9).

Kay an mga mata ni Jehova nadalagan ngadto nganhi sahid an bug-os kalibutan, ha pagpakita ha iya ngahaw nga makusog ha ngaran nira kan kanay kasingkasing hingpit tipakadto ha iya” (2 Cron. 16-9).

“Kay an iya mga mata aada ha mga dalan han tawo, ngan hiya nakikita han ngatanan nga iya paglakat. Waray kasisidman o madakmul nga dulum diin an mga parabuhat han karat-an pakakatago ha ira ngahaw” (Job 34:21-22).


“kondi hi Jesus waray tapud ha iya ngahaw ha ira, kay hiya maaram han ngatanan nga mga tawo, ngan waray pagkinahanglan ngan bisan hin-o magmatu-od ha nahatungod han tawo” (Juan 2:24-25).

Bulahan an tawo nga waray ni Jehova isipa hin karat-an ngan dida hiton iya espiritu waray limbong. Basaha an Salmos 51. Yana hi Jehova nagtatawag ha aton nga nagsiring: Kadi ngan tanan kamo ha akon, nga nagbubuhat ngan binug-atan, ngan akon kamo tataga-an han pagpahuway” (Mateo 11:28).

PAGPASABUT HA MGA LADAWAN

AN SIYAHAN NGA LADAWAN

Ini nga ladawan nagpapakita ha kasingkasing han usa ka tawo nga kalibutanon ngan magpakasasala ginhadi-an han espiritu hini nga kalibutan ngan ha mainiton nga tinguha ha iya magpakasasala nga unod. Sugad hini an matuod nga ladawan nga nakikita ha Diyos.



1. AN KASINGKASING HAN MAKASASALA

An may pagkapula nga mata nagpapakita ha usa ka tawo nga hubog sugad ha ginladawan ha Proverbios 23:29-33: “Hin-o an may kasubo? Hin-o an may kasakit? Hin-o an may kasubo? Hin-o an may mga pagkabalingkut? Hin-o an may sumbong? Hin-o an may kasamdan nga waray tinikangan? Hin-o an may pagkapula han mga mata? Hira nga nagpabilin

ha maiha dida han alaksio. Hira nga nakadto pamilyang han salakot nga alaksio. Diri ka magtan-aw han alaksio kon ito madalunot tonlon; Ha katapusan hito nakagat sugad hin halas ngan sugad hin kolebra. An imo mga mata makakita hin magkaurosahon nga mga butang ngan an imo kasingkasing magyayakan hin mga butang nga malinarisnon”.

Ha ubos ha ulo hini nga ladawan makikita mo an kasingkasing han tawo gin-ukyan ha nagkadurodilain nga hayup nga nagsul-ot ha damo nga sala, kay an kasingkasing amo an ginukyan ngan tinikangan han aton mga karat-an. An Diyos nagsiring pinaagi ha iya profeta nga hi Jeremias nga “an kasingkasing malimbongon labaw han ngatanan nga butang labi hin kamahugaw. Hin-o hit mahihibaro hini? “Ginpamatud-an liwat ni Jesus ha iya pagsiring, “Kay ha sulod tikang ha kasingkasing han tawo, nagkagawas an mga maraut nga mga hunahuna, an mga panlibug, an mga pakighilawas, an mga panikas, an mga pagpatay hin tawo; an mga pagkaipa, an mga magraut, an mga panlimbong, an mga pagpakaalo, paniplat nga maraut, an mga pasipara, an pagpalabilabi, an pagkatuyaw. Ini nga tanan nga mga bagay nga maraut nagawas tikang ha kasingkasing ngan nakahugaw hira han tawo” (Marcos 7: 21-23).

1. AN PABO REAL — An pagkamahusay ha pabo real ginpadayag ha tanan, kondi dida ha kasingkasing han tawo ginpapakita niya an sala ha pagkamahitas-on.

An pagkamahitas-on nagtitikang ha inpierno, ngan nagpapakita ha iya kalugaringon ha damo nga mga paagi. May ada mga tawo nga mapahitason tungod ha ira bahandi, ha ira mga hataas nga edukasyon. May ada mga bisti nga moderno bisan kon an ira lawas nakikita nga sarawayon; an pag adorno ha ira kalugaringon ha mga alahas, pulsiras, singsing, ngan iba pa, sugad ha ginladawan ha Isaias 3:17-24. An mga magmapahitas-on tungod ha ira katulinan, pamanit, kultura, ngan iba pa, kondi nalilimot hira nga an Diyos nasusuwahi ha palabilabihon, kondi nahatag hin grasya ha magpaubsanon. Gindumtan ha Diyos an pagkamahitas-on ngan pagkahambugero. “An palabilabihon nag-uuna han pagkahugaw, ngan an mapahitas-on nga espiritu nag-uuna han pagkahulog” (Proverbios 16:18).

2. AN KANDING — Naglaladawan hini han mga kaipa ha unod, imoralidad, pakighilawas, panapaw. An mga sala nga ginngaranan ha igbaw nagdudugang ha kahugaw ha aton-mo-derno nga panahon. Sanglit matuod an ginsiring ni Jesus ha iya tagna, nga may ada na 2,000 ka tuig an nag-agi nga ha ka-tapusan han mga adlaw masusugad gud ha Sodoma ngan Go-mora. Hini nga bag-o nga sala naguripon ha mga lalaki ngan mga babaye ngan nakasulod ha urokyan han mga tawo nga releheyoso, ha mga eskuelahan, ngan ha mga buhatan. Hini nga maraut nga mga katulinan ginpupugas ha waray kahadlok ngan amo hini an paagi nga panlimbongan an tawo pinaagi ha mga sinihan, entablado, maghugaw nga mga barasahon, ngan ha damo nga mga paagi, ngan an gintatawag ha Diyos nga sala ginngaranan hini nga bag-o nga moralidad. Yukot kayukot nga mga batan-on an nag bubuhat ha ira kalugaringon nga ki-nabuhi tikang ha nakikita nira ha sinihan ngan ha mga nobela nga amo an nagdadara ha ira ngadto ha kasamok, ngan mapait nga pagbasol. Mga artista nga imoral ngan masamok nga kina-buhi amo an naghihimo nga idolo ha mga batan-on. An sara-yawan amo gihap an ginhihimo nga lugar han imoralidad. Wa-ray na nira sunda an marigdong nga mga bayani ha Gino-o sugad kan Jose (Genesis 39) ngan iba pa. Ini nga gintatawag nga sibilisado nga katawhan maupay nga matutduan han kala-gasan ngan pagano nga taga Sulu nga an mga mananapaw ira ginhuhukman ha kamatayon. Hira makatukdaw pa basi ha paghukom kontra ha adlaw han paghukom. Ginpasidan-an kita ha Diyos paglikay ha pakighilawas kay hini diri bagay nga kati-awti-awan. “An ngatanan nga sala nga pagbubuhaton han usa ka tawo harayo ha lawas. Kondi an nagbubuhat ha pakighilawas nakasala kontra ha iya kalugaringon nga lawas. Diri ba kamo maaram nga an iyo lawas amo an templo han Espiritu Santo nga aada ha iyo, ngan iyo kinarawat tikang ha Diyos? Ngan diri na kamo ha iyo kalugaringon kay pinalit ha uga nga pagpalit. Busa paghimaya-on an Diyos ha iyo lawas” (1 Cor. 3:18-19). “Kon may ada usa ka tawo nga maghibang han templo han Diyos, an Diyos maglalaglag ha iya; kay an templo han Diyos baraan ngan sugad man kamo” (1 Cor. 3:17).

3. AN BABOY — Nagsusumat ha mga sala han mga tawo nga parahubog ngan subra ha pagka-on. Mahugaw nga mananap an baboy, naka-on ha bisan ano nga makikita, malimpiyo o mahugaw. Ha amo nga paagi an makasasala nga kasingkasing naka-on ha bisan ano nga mahugaw nga pinulongan, malaw-ay o mahilas nga mga ladawan ngan basahon, ngan iba pa. An lawas nga amo an templo han buhi nga Diyos nahugawan ha mahugaw nga pagkaon ngan bisyo sugad ha pagsigarilyo, paggamit hin mga upyo. Ngan gahum la han Diyos an makakalawas hini nga mga makalolo-oy nga uripon ha bisyo ngan yawa. May ada damo nga mga tawo nga relihiyoso ngan diri nasigarilyo ha sulod han simbahan kay natuo man hira nga usa hini ka pagpasipara han baraan nga dapit. Pero ha waray kaaram, kon nagawas hira ha simbahan, waray hira pagtahud ha matuod nga templo han Diyos. An ira lawas nga ginuhugawan nira pinaagi ha mabaho nga dahon. “Diri ba kamo maram nga kamo amo an templo han Diyos, ngan han Espiritu han Diyos nag-uukoy ha iyo? Kon may ada usa ka tawo nga magraraut han templo han Diyos, an Diyos maglalaglag ha iya; kay an Templo han Diyos baraan nga sugad man kamo” (1 Cor. 3:16-17).

An tawo nga ura-ura kaulit ha pagkaon maraut ha atubangan ha Diyos. Nagkakaon kita basi mabubuhay, diri kita buhay basi makaon. An kagutom matambalan ha maupay nga pagkaon pero an kaipa nagpapadayon nga nagsisiyak, “Hatagi pa ako.”

An makasasala nga kaipa diri mabubusug. Sugad ha balaud han Daan nga Tugon, pagbabatuhon tubtub mamatay an ulit ha pagkaon ngan an parahubog (Deu. 21:18-21). “Kay an parahubog ngan parakaon ha waray kasadangan maabut ha pagkakablas; ngan an kapiraw magbibisti han tawo hin mga rabinit” (Proverbios 28:7). Hinumdumi an usa ka mayaman, usa ka hagas ngan uripon ha iya makasasala nga kaipa, namatay ngan didto ginbubutang ha impierno. Ngan didto nakimalu-oy hiya basi buligan tungod ha ura-ura nga pag-antus nga iya nakarawat. An kamaraut ha irimnom nga makahubog diri na maupay istoryahon pa. Maaram na an tanan ha nahimo nga bunga hini ngan diri bagay nga tiaw-tiawan. An Diyos an

siring ha aton nga an parahobog diri makapanunod ha ginhadi-an han Diyos. Diri pagkaon an bino o irimnon. Usa hini nga makapatay nga nakakalurong ngan nakakaipetar ha huna-huna basi hadto nga nag-inom magbubuhat hin magraut. Nahihimo hira nga imoral ngan mamamatay hin igkasitawo nga diri nira hihimo-on kon diri pa hira mga hobog. “An Alaksiyo amo an para-uyanuyan, an maisug nga irimnon amo an mahasimang ngada hin diri makinaadmanon” (Prov. 20:1).

An nagbabaligya ha irimnon nga makahubog nakasala ha atubangan ha Diyos, kay an Diyos nagsiring: “Kairo nira nga magkusog ha pag-inom han alaksiyo, ngan han mga tawo nga kusgan ha pag sakot ha maisog nga irimnon” (Isaias 5:22). “Ngan an arpa, ngan an laud, an tamboreles, ngan an paluta, ngan an alaksiyo aada ha ira mga piyesta, kondi waray hira magtagad han buhat ni Jehova, waray man hira magpainoino han buhat han iya mga kamot” (Isaias 5:12). Diri kamo kalimbongan bisan an mga makihilawason, masingbahon ha mga diyos-diyos, bisan mga manlilibug, bisan an babayen-on, bisan an mga Sodomanhon, bisan mga kawatan, bisan an mga awa-on, bisan an mga parahubog, mga mapakarauton, bisan an mga maagawon, diri makapanunod ha ginhadi-an han Diyos” (1 Cor. 6:9-10).

An mga sala ha aton mga kalibutanon nga kina-iyas amo hini: “pakighilawas, kahugawan, kalaw-ayan, pagsimba ha mga diyos-diyos, diwata, mga pagkaaway, pagsuhay, mga pangabugho, mga kasina, mga paglaris, mga pagbulag, mangapakakabig, mga kaawa, mga paghubog, mga aringasa, ngan mga bagay nga sugadsugad hini; ginsusumatan kamo nga daan, sugad hini nga mga bagay diri makakasunod ha ginhadi-an han Diyos” (1 Cor. 6:9-10). “Ngan diri kamo maghubog hin alaksiyo, diin nagtitikang an kasamokan, kondi mapuno kamo ha Espiritu” (Efeso 5:18).

Hini amo an pagdapit ni Jesus han mga gin-uuhaw, “kumadi ha akon ngan uminom han buhi nga tubig” (Juan 7:37-38). Hala an tagsatagsa nga gin-uuhaw kadi kamo ha buhi nga tubig, ngan hiya nga waray kuwarta; kadi kamo, palit ngan kuma-on; oo kadi palit hin alaksiyo ngan hin gatas hin waray

kuwarta ngan waray bali” (Isaias 55:1). Kondi bisan hin-o an mainom han tubig nga akon ihahatag, diri na gud uuhawon. Kondi an tubig nga akon ihahatag ha iya, mahihimo nga atabay han tubig ha sulod niya nga magbuburabud ha kinabuhi nga waray katapusan” (Juan 4:14).

4. AN PAWIKAN — Naglaladawan han hubya ngan paglanganlangan, ngan pagkamagbabarang, An waray pagtuo, sugad ha sala ha pagbarang. “An hingyap han hubya napatay ha iya, kay an iya mga kamot nadiri hin pagbuhat” (Prov. 21 : 25).

“Ayaw paghinayhinay ha pagkadto ngan pagsulod ha pagtagiya han tuna” (Mga Hukom 18:9). Uraura ka hubya an kina-iya nga tawhanon ha pagpanag-iya ha mga butang han Diyos. Hi Jesus nagsiring: “Paninguha kamo pagsulod ha haligutay nga gangha-an; kay ako nasiring ha iyo, nga damo an nagpipinamiling pagisusulod ngan diri makakahimo” (Lukas 13:24). An ginhadi-an han mga langit nag-antus hin pagpirit, ngan an mga magpirit nga mga tawo ginaagaw nira hin maku-sog.

An aton kahubya ha pag-angkon ha kaluwasan ngan kaupayan nga spiritual nagdadara ha aton ha kapirdihan. Amo hini nagbabalabag ha aton ha pag-ampo ha pagpamiling hin halarum nga mga butang bahin ha Diyos, ngan ha pagpanag-iya ha mga saad ha Diyos. Hini nagsusugo ha aton kapirdihan. Kon an Diyos nagsiring ha imo ngan agdahon ka ha pagtubyan ha imo kasingkasing ngadto ha Iya yana. An yawa magyakan ngan magtintar ha imo nga buwas na hiton bubuhata, o sa iba nga mga adlaw. Makalolo-oy ka kay hito nga adlaw diri na maabut. Mamatay ka nga waray kaluwasan kon hi Cristo waray ha imo. An Diyos nagsiring: “Niyang adlaw kon iyo pamati-an an Iya tingug, ayaw niyo pagpatig-aha an iyo mga kasingkasing sugad han pagkasinahi” (Heb. 3:7-8). Damo na an nangawara tungod ha ira pag-ihaiha pagkarawat ha kaluwasan tungod ha pagpadayon ha iba pa nga mga adlaw. Pero an iba nga mga adlaw waray na pag-abot. Diri ikaw an tag-ada ha buwas.

An alukaba han pawikan amo an gingamit ha iba nga magbabarang ha pagbuhat niya ha pagbarang. Ngan dinhi ginsiring: an sala ha pagsarig ngan pagbuhat ha barang, panagna ha kapalaran, panglamat. Sala an pagsarig ha ira, kondi amo an sarigan an buhi nga Diyos.

Labi na gud ha panahon ha pagsulay o tentasyon, ngan sakit, disgrasya, ngan kakuri-an, gin-agda kita ha pagsangpit ha buhi nga Diyos nga andam ha pagbulig. Diri angay sasarian an maupay kon hito maraut nga suwerte; kay an mga linaktan han tawo ginpatukoran ni Jehova” (Salmo 37:23). “Masakiton ba an iba ha iyo? tawagon niya an mga anciano han simbahan, ngan mag-ampo hira tungod ha iya, ngan paghirugan hiya hin lana ha ngaran han Gino-o; ngan an pag-ampo han pagtuo makakaluwas ha masakiton, ngan an Gino-o magbabanhaw ha iya ngan kon makasala hiya pagpapasaylo-an hiya” (Jacobo 5:14-16).

“Kay bisan ngani tikang ha sinirangan o kon tikang ha natundan; bisan ngani tikang ha habagatan, diri matikang an pagpa-igbaw kondi an Diyos amo an hukom” (Salmo 75:6-7). Ginsusugo ha Diyos an mga anak ni Israel nga, “waray hiagian dida ha imo, an bisan hin-o an maghihimo han iya anak nga lalaki o babaye ha paagi ha kalayo, in usa nganagamit hin panagan, in usa nga manirigo pinaagi hin mga barita, o parapanganito, o parapanghimalad, o lumayan, o tamyawan, o mahiko, o namamakiana han mga minatay, kay bisan hin-o nga nagbubuhay hini nga mga butang magmangil-ad kan Jehova; ngan tungod hini nga mga kangilaran hi Jehova nga imo Diyos naghigin ha ira tikang ha imo atubangan” (Deu. 18:10-12). Ha gawas ha ginhadi-an han Diyos aada an “kaayaman, an mga diwatahan, an mga magpakikihilawason, an mga paramatay hin tawo, an ngatanan nga nahagugma ngan nagbubuhay hin buwa” (Pinadayag 22:15). Diri ka madangop ha mga espiritista, o ha mga parapanghimalad, diri magpakiana ha mga espiritista kay makasala ka upod ha ira. “Ako hi Jehova nga iyo Diyos” (Lev. 19:31). Ngan kon hira magsiring ha iyo: Pangitaa hira nga may ada mga tamyaw ngan ha mga mahiko, ngan nahuningan nga naagumod; diri ba an katawhan mangingita han ira Diyos? Ha ngaran han mga buhi mangingi-

ta ba hira han mga patay? Ha balaod ngan ha pagmatuod! Kon hira diri magyakan sugad hini nga pulong, ha pagkamatuod waray aga para ha ira” (Isaias 8:19-20).

Yana nga nagbabasa ikaw hini nga libro, an Diyos nagyakan ha imo ngan nagkikinahanglan ha imo ha bagbasul ha imo mga sala ngan ha pagtubyan han imo kinabuhi ngadto ha Iya, pero an espiritu ha pawikan nga aada ha imo kasingkasing naghihimo hin nagkadurodila-in nga mga tentasyon basi an imo hunahuna o desesyon ngadto ha Diyos mag-iha. Nani-guro hini pagpuno ha imo kasingkasing ha kahadlok, tubtob nga magpakiana ka ha imo kalugaringon; ano ba an iyakan han mga kaupod ko, ngan han akon mga kasangkayan kon mahihibaroon ako nga usa ka matuod nga Kristohanon? “Ano man an mahitabo kon diri ako maupod pakadto ha sarayaw ngan kalibutanon nga kalipay?”, pero an imo makikita amo an dako nga kalipay tikang ha Diyos, an iya himaya ngan an waray katapusan nga kinabuhi nga puno hin matuod nga kalipay, ngan amo lugod an kabarak-an han mga bagay nga imo ginbayaan kon ipasulod mo hi Cristo ha imo kasingkasing. Ngan magpapadayon an imo kahadlok ha kamatayon, nailarum ha pagkauripon sulod ha bug-os mo nga kinabuhi (Heb. 2:14-15). An espiritu ha pag-iha nagpatig-a han imo kasingkasing tubtob nga nahihimo hini nga matig-a sugad han likod han pawikan.

5. AN LEOPARDO — Amo an usa ka mananap nga maisug ngan mabagsik. An dumot, kasina, ngan an maraut nga hunahuna amo an naghadi ha kasingkasing ha tawo tubtob hiya mamatay. Bisan kon unan-on mo ha pag paniguro pagdumiri han imo kalugaringon nga kasina maaabot an oras nga mabubuto hit imo dughan hin ura-ura nga kasina o ka urit. Maupay pa an pagkarawat han imo kasingkasing ngan hangyoon hi Jesus pagluwas ha imo. “Baya-i an kasina, ngan baya-i an kangalas; diri ka magmasamdong, hiton tikadto la ha pagbuhat hin maraut” (Salmo 37:8). “An kapungot maraugda-ug, ngan an kasina makaluluwas; kondi hin-o in takus makatindug ha atubangan han pangabugho?” (Proverbios 27:4). “Kay an kasina napahuway ha dughan han mga lurong” (Ecc. 7:9). Kondi niyan bumulang man kamo hini nga tanan, an kasina,

an kapungot, an pagka maraut, an paglibak, an maglaw-ay nga mga pulong ha iyo baba” (Col. 3:8).

Damo an mga mahadlukon o talawan nga nainom anay basi la mahatagan hira hin kaisug pagpadayon ha karuyag nira bubuhaton, maraut o panimalus ngan dumot, pero an ira alaksiyo amo an lara han mga halas” (Deu. 32:33). Matam-is an panimalus para ha makasasala nga kasingkasing, kondi an Diyos amo an manimalus para ha aton. Hi Jesus nagsiring: “higugma-a an iyo kahiripid sugad ha paghigugma mo ha imo kalugaringon”, ngan “higugma-an an imo mga kaaway.” An Diyos nagsasa-ad ha pagpasaylo han aton mga sala kon kita magpapasaylo han mga tawo nga nagpapakasala ha aton. An tawo nga mainit hin ulo maraut ha atubangan ha Diyos. An yawan-on nga tinguha ha pag-ula ha dugo ngan ha kasamuk aada ha kasingkasing ha tawo; ngan tungod hini an matuod nga kalinaw kinahanglan ipasulod ha kasingkasing basi hini matutuhay ngatanan.

6. AN HALAS — Amo an naglimbong kan Eva ha tana-man ha Eden. Tungod hito ginwakay niya an matam-is nga panaghiusa ngan panagsabtanay ha Diyos ngan ha tawo.

Sadto hi Satanas usa ka anghel pero nakasala hiya ha Diyos. Ha pagkita niya nga hi Adan ngan Eva nga amo na nagmamando ha kalibutan ngan nag-ukoy ha hingpit nga pagupod ha Diyos ngan amo liwat an nagpulih ha lugar ni Lucifer, nasina ngan nangabugho hiya. Tungod ha pangabugho ni Satanas iya ginplano an paglaglag ha ira ngan naghadi hiya. Ginwakay niya an ira kinabuhi ngan an hingpit nga kalipay ngan an ira pakig-upod ha Diyos. An amo nga yawan-on nga pangabugho ngan kasina ha kasingkasing ha tawo nagwawakay ha kalipay han iba nga mga tawo kon hito makikita nira nga hira nagkakalipay ngan may ada kamurayaw nira. “An pangabugho maraugdaug sugad han Seol” (Awit ni Solomon 8:6). Nagdudul-ong hini ha yawan-on nga hunahuna ngadto ha kasingkasing basi pag-utdon an kalipay han iba, ngan makadara pa hini ha pagpatay. Nahahatabo hini labi na gud ha pipira dida ha panimalay. Ha negosyo ngan sugad man ha iba nga lakat han kinabuhi.

Diri mabibilang an kasakit ngan pagdumot han mahihimo nga bunga hini. May ada mga kristohanon nga nagbubulig, nagwawali, ngan mga ministro an nabati hini nga sala kon ugaring makikita nira nga labaw pa nga gingagamit ha Diyos an iba nga mga tawo kontra ha iya mismo. Kinahanglan nga perme hira magbantay ngan mapuno han matuod nga gugma ha Diyos nga gin-uula Niya ha aton kasingkasing pinaagi ha Espiritu Santo, kay bangin mahugawan ha yawan-on nga pangabugho hiton ira pag-alagad ha matuod nga Diyos.

7. AN BAKI — nga nagkakaon hin tuna, naglaladawan ha mga sala ha kahalut ngan paghigugma han salapi nga amo an gamot ha tanan nga karautan (1 Tim. 6:10). May ada iba nga klase ha baki didto ha nasud ha Congo, Aprica, nga nagkakaon hin mga harumigas ngan diri naundang tubtob an ira tiyan mabusnit hin duro ha kabusog ngan mamatay. An usa ka tawo nga halut diri gud naruruyag hin pagbulig han mga kablas nga nangangaro hin tambulig. Naniniguro la hiya ha iya kalugaringon nga kaupayan ha paagi hin pagtiruk ngan pagpanag-iya hin bahandi ha kalibutan; bahandi nga gin-aagup-op ngan ginkukotkot han taya. Hi Jesus nagsiring: “diri kamo magtiruk hin mga bahandi ha tuna nga ginpapapas hin mga buk bok ngan taya o ginkakalawang, diin an mga kawatan nagwawakay ngan nangangawat. Kondi magtiruk kamo hin mga bahandi ha langit nga didto waray hin buk bok bisan taya nga naghihimo hin kalawang, ngan an mga kawatan diri makakasaka pagpangawat, Kay kon nga-in ngani hiton iyo bahandi, aadto man an iyo kasingkasing” (Mateo 6:19-21).

Ginpatay nira hi Akan ngan an iya kauropdan ha pamilya tungod la ha uraura nga paghigugma ha bulawan, salapi, mahal nga mga alahas, nga panapton (Josue). Nag-unay pinaagi ha pagbitay an usa nga kaupod ni Jesus nga amo hi Judas Iscariote tungod kay an iya gugma ha kuwarta naghihimo ha iya kalugaringon ha pagtrahedor han iya Gino-o ngan Agaron. Diri maraut an kuwarta, bisan an bulawan. An nakakaraut hini amo an paghigugma hiton hin duro nga aadto ha kasingkasing ha tawo.

Durodamo nga mga lalaki ngan mga babaye tikang ha tanan nga klase han kinabuhi ha ira panimalay an naghihimo

hini tungod ha ira yawan-on nga kaipa ha pag-angkon hin dagku nga bahandi. Ira hini gin hihimo pinaagi ha paghuygo ngan pamusta hin dako nga kantidad ha karera ngan iba pa. Hiton kaipa nga mahihimo la hira nga mga mayaman ha mga paagi nga magsagyon, nakakahimo gud ha ira hin pagpangawat, pagpatay hin tawo ngan ha katapusan nakakahimo ha ira pagpatay ngahaw han ira kalugaringon nga kinabuhi. An dako nga paghigugma hin kuwarta ngan han kahakug nakakahimo ha iya hin mga larang nga maging bantugan hiya ha bug-os nga tuna. May ada gihap niya mga larang nga magkakaada hin dako nga gahum nga politikanhon, gahum ha pagsakop ngan pagmando ha iba, gahum ha salapi basi hiya maging igwalado ha mga kablasonon. May ada man liwat hin gahum ha relihiyon, nga naghahadi ha pag-alagad ha pundok han Iglesia kay ha matuod nga Diyos tubtob nga ginraraot niya an bisan hin-o nga nag-aalagad kang Cristo nga diri nahahasakop han iya simbahan (Markos 9:38). Ngan an Gino-o nagsiring ha ira: “Pagmatugan kamo ngan maglikay kamo ha ngatanan nga kahikaw; kay an kinabuhi han usa nga tawo diri ha kahura-an han mga butang nga iya ginkuptan” (Lukas 12:15). May ada ginsusumat ha aton ha Bibliya ha usa nga tawo nga mangaranon: “An uma han usa ka tawo nga mangaranon kinuha hin damo. Ngan hiya nagpaino-ino ha iya kalugaringon ngan sini siniring: Ini an akon bubuhaton; akon rarauton hiton akon mga kamalig ngan maghihimo hin durodako ngan didto ko paghihimusa an akon ngatanan nga mga bunga ngan an akon manggad; ngan ako masiring ha akon kalag: kalag, may damo na nimo nga mga manggad, nga gintiruk ha kadam-an nga mga tuig: pahuway, kumaon ka! inom!, ngan paglipay. Kondi an Diyos siniring ha iya: Oy kulangkulang! yana nga gab-i an imo kalag kukuha-on ko tikang ha imo, ngan an mga butang nga imo gin-andam, kan kanay naman hiton ngatanan? Amo ini an nagtitiruk hin manggad ha iya kalugaringon, ngan diri mangaranon ha Diyos” (Lukas 12:16-21). “Kay ano an kapuslanan han usa ka tawo nga nag-aankon han bug-os nga kalibutan, ngan nawawara an iya kalag?” (Markos 8:36). “Diri kamo mangarit ha iyo kinabuhi kon ano an iyo kaka-onon, bisan ha iyo lawas kon ano an iyo igpapanapton, kay an kinabuhi durodako han karan-on, ngan an lawas durodako han panapton. Kondi pamilnga niyo siyahan an ginhadi-an han

Diyos, ngan ngatanan ini nga mga butang mahahadugang ha iyo. Kay kon hain an iyo bahandi, aadto man an iyo kasingkasing” (Lukas 12:22-34).

8. HI SATANAS — nga amo an amay han mga buwaon, amo an nagtetentar ha pagbuhat ha nagkadurodilain nga sala. Hiya an naghadi ha kasingkasing. Hi Jesus nagbaton ngan siniring ha ira: “bisan kon ako naghahatag hin pamatuod ha akon kalugaringon, an akon pagmatuod totoo; kay ako maaram kon diin ako tumikang, ngan kon nga-in ako makadto; kondi kamo diri maaram kon diin ako tumikang, ngan kon nga-in ako makadto” (Juan 8:14). An gutiay nga buwa sugad kadautan ha dako. May ada mga buwa nga ginyakan, ginsurat, ngan ginbuhat. An salingkapaw usa ka buwa-on kay nagpakabasi siringon man la hiya. Diri buwa-on an Diyos sugad man an kristohanon (Tito 1:2). “Kon magsiring kita nga may ada ta paghiangbit ha iya, ngan maglalakat ha kasisidman, nagbubuwa kita, ngan waray pagbubuhat ha kamatuoran” (Tito 1:6). “Ha gawas han bungto aada an kaayaman, an mga para pamatay hin tawo, an mga nagsisimba han mga diyos-diyos, ngan an ngatanan nga nahagugma ngan nagbubuhat hin buwa” (Pin. 22:15). Gidumtan ha Diyos an saksi nga buwaon (Proverbios 6:19).

9. AN BITO-ON — naglaladawan han kasingkasing ha tawo. Aadi hiya, nahuhugawan ngan nahihimo nga maraut. Patay na tungod ha pagpadayon ha pagpakasala. Tungod hini kay buta ngan maraut, waray hin gahum paghukom kon an iya mga buhat maupay ba o kon maraut. May ada hin oras hini nga napuroko ngan nasamok. Pinaagi ha pagkasalingkapaw ha mga tawo nga nagyayakan hin mga buwa maghulat ha ira mga kalugaringon nga konsensiya sugad ha binaga nga puthaw (1 Tim. 4:1-2), (Heb. 10:22).

10. AN MATA HA DIYOS — nakikita ha tanan larang ha kasingkasing. Waray matatago tikang ha iya mga mata bisan harayo. Sanglit hiya ngan nakikita niya an tanan nga sekreto nga mga hunahuna ngan mga larang ha kasingkasing. Bisan pa bubuhaton mo an maraut ha kasisidman han gab-i, o ha dako

nga kagurangan, o ha ilarom ha tuna, o bisan nga-in nakikita ini ha Diyos. (An mata ha mga ladawan ginpaangay sugad ha ginpakita ha ladawan ha tawo).

11. AN MGA GUTIAY NGA DILA NGA KALAYO — nga naglilibot ha kasingkasing, naglaladawan ha gugma ha Diyos nga nag-alirong ha makasasala nga kasingkasing. Bisan gindumtan ha Diyos an sala, ginhigugma gihapon niya an tawo ngan diri niya tinguha nga mamatay an makasasala. Dako hin duro an kalipay ha mga panon han langit kon may ada usa ka makasasala nga nagbabasul. An mga gutiay nga mata dila nagpapasabot ha dugo ni Jesu Cristo. “An kordero ha Diyos nga nakakakuha hin sala ha kalibutan.”

12. AN ANGHEL — nagpapasabot ha pulong ha Diyos. An Diyos maruyag ha pagyakan ha bisan hin-o nga lalaki ngan babaye nga gin limbungan ngan nahihimo nga uripon han sala, basi hira magbasul ngan ipasulod an kalamrag ngan gugma ha Diyos ha ira kasingkasing.

13. AN SALAMPATI — amo an ladawan han Espiritu Santo, an Espiritu ha kamatuoran nga naghuhukom ha tawo ngan magpapakita ha iya kasal-anan ngan han iya kinahanglan nga mahihimo nga matadung. Dinhi an Espiritu Santo aada ha gawas ha kasingkasing. Diri hiya makakasulod ha lugar nga ginhadi-an han sala.

Kong ugaring an imo kasingkasing sugad hini nga ladawan buhata an pagtawag ha Gino-o. Abrihe an imo kasingkasing ngadto ha Iya, basi maglalamrag an kahayag ha Iya pulong. “Pagtoo ha Gino-o nga hi Jesu Cristo, ngan ikaw maluluwas ngan an imo panimalay.” Nagsasaad an Diyos, oo andam hiya pagbag-o ha imo kasingkasing; tatagaan ka hin bag-o nga kasingkasing ngan bag-o nga espiritu ha imo kinabuhi. Hini ginpapakita ha ikaduha nga ladawan.

AN IKADUHA NGA LADAWAN

Hini nga ladawan nagpapakita ha kasingkasing nga nagbabasul nga nagpapamiling ha Diyos. An anghel nagdadara

hin espada, an pulong ha Diyos, nga buhi, maabtik, ngan matarum pa kay hin bisan ano nga kampilan nga duduha hin tarum, matarum kaupay ngan sadang makagbahin hin kalag ngan han espiritu, han kalulutahan ngan han mga utok, ngan madagmit makasabut ha mga hunahuna ngan mga tinguha han kasingkasing (Heb. 4:12). An pulong ha Diyos nagpapa



2. AN GINHUKMAN NGA NAG-AMPO NGA KASINGKASING

hinumdom ha iya nga an bayad ha sala amo an kamatayon ngan igintutungdan ha mga tawo an kamatay hin makausa la ngan an masunod hini amo an paghukom (Heb. 9:27). An bahin han mag makasasala ngan han diri magtoto-o amo an linaw ha kalayo nga naglalaga ha asupre.

Ha luyo nga kamot ha anghel may ada niya gindara nga kalebra. Amo ini an paghinumdom ha usa ka makasasala nga kita ngatanan mamatay. An aton lawas nga ginbabado-an, ginpapaka-on, ngan ginalimahan hin maupay basi pagtagbaw ha kalibutan nga kaipa ngan mag tinguha. Kondi mamatay ngan madudonot ini ngan kaka-onon ha ulod, pero an aton kalag ngan espiritu buhi ngan mag-aatubang ha Diyos ha adlaw ha paghukom.

Ha igbaw makikita an makasasala nga nagtikang na ha pag pamati ha mensahe ha Diyos ngan gin-abrehan niya an iya kasingkasing ha paghigugma ha Diyos. Nagtikang na liwat an paglamrag ha Espiritu Santo ha masirom ngan makasasala nga kasingkasing. Nagsulod na ha iya templo an kalamrag han Diyos, an kasirum ginkinahanglan gud magbaya. An sala nga mga ladawan ha nagkadurodila-in nga mananap kinahanglan nga magbaya. Sanglit mga minahal nga mga kasangkayan pasudla hi Jesu Cristo ha imo kasingkasing nga amo an kalamrag ha kalibutan. Kinahanglan gud nga an kasisidman mawawara ngan mga binuhatan han kasisidman tikang ha kasingkasing sugad nga ginpakita hini nga ladawan. “Busa hi Jesus nagyakan ha ira ngan siniring: Ako amo an kalamrag ha kalibutan: an nasunod ha akon, diri maglalakat ha kasisidman, kondi may kalamrag han kinabuhi” (Juan 8:12). Diri ka magdadang ha pagpaiwas ha kasisidman tikang ha imo kasingkasing pinaagi la ha imo kalugaringon nga kahibaro ngan kaaram, ngan ha kaaram han tawo. An masayon ngan labi ka madagmit, labi ka mapuslanon ngan maganahon nga paagi amo an pagpasulod kan Jesu Cristo ha imo kasingkasing. Hiya gud la an kalamrag nga nagpaiwas han kasisidman nga amo an sala. Makakabulig ha aton an bulan ngan mga bituon ha masirum nga gab-i, pero kon magsisirang na an adlaw, mawawara an kasisidman ngan gutiay nga kalamrag han bulan ngan mga bituon. Hi Jesus amo an adlaw han pagkamatadong. Han pagsulod Niya ha templo ha Jerusalem gin-abug Niya an ngatanan nga nagbabaligya hin baka, karnero, ngan salampati ngan gintumba an mga lamesa ha mga nagbabaligya upod ha pagsiring: “An akon balay pagpangaranan nga balay ha pag-ampo kondi iyo ginhihimo nga lungib han mga tikasan” (Mateo 21:13). Gin-

plano na ha Diyos an imo kasingkasing nga hihimoon Niya hin urokyan, ngan Iya templo. Karuyag Niya nga mahihimo nga maupay hini, pupun-an hin kalamrag, gugma nga kalipay. Hi Jesus nagkadi diri la ha pagpaysaylo ha aton mga sala, kondi basi pagluwas ha aton ngan paghatag kagawasan tikang ha gahum ngan paghadi han sala.” Kon an Anak (Jesus) magluwas ha iyo, kamo maluluwas man gud (Juan 8:36).


AN IKATULO NGA LADAWAN

Hini nga ladawan nagpapakita ha aton kasingkasing ha usa nga matuod nga pagbasul ha usa ka magpakasasala. Maaram na hiya han kabug-at ngan ha kamaraut han iya mga sala nga ginpapakamatyan ni Jesus dida ha krus. Ha pagkita niya nga ginpadayag ha iya ha anghel an amo nga pulong ha Diyos, nabati ha pagbasul an iya kasingkasing. Halarum ngan kasingkasing nga pagbasul an kasubo han iya ginbati tungod ha kadamo han iya mga sala. Iya nakikita an kadako ha gugma han Diyos nga ginpapahayag pinaagi kan Jesu Cristo. Tungod hito, hini nga gugma nabati hin duro ha iya kasingkasing, ngan labi na gud han iya kahibaro nga hi Jesu Cristo, an Anak ha Diyos, nagkadi basi ha pagluwas ha iya tikang ha iya mga sala ngan basi mamatay ha krus ngan pagtutunglohon liwan han iya lugar.

An mga makasasala maaram na nga hi Jesus ginkuronahan hin tunok, ngan ginransang an iya mga kamot, mga tiil, ngan namatay ha krus tungod han aton mga sala. Nakakarawat hiya hin bag-o nga kasingkasing ngan kinabuhi. Ha pagbasa niya ha pulong han Diyos iya nakikita an iya kalugaringon sugad han iya paglantaw ha salamin. Ngan labaw niya nga nahihibaro-an kon unano na kaharayo tikang ha Diyos ngan kon gin-ano niya an pagtalapas han mga kasugo-an ha Diyos.

Inabut ha iya an matuod nga pagbasul upod an mapait nga mga luha — hi Jesus nagpaharani ha iya, an gugma ngan kalinaw han Diyos nagsulod ha iya kasingkasing han pagkahibaro niya nga an kasakit ni Jesus nga anak ha Diyos, naghugas ha aton tikang ha ngatanan nga mga sala (1 Juan 2: 7).

“Hi Jehova harani hadton may masinakitnon nga kasingkasing, ngan nagluluwas Hiya hadton mga mabinasulon an espiritu” (Salmo 34: 180. An pulong ha Diyos nagsiring, “Ngada hini nga tawo ako motan-aw, bisan ngada ha iya nga kabras ngan may mahinulsulon nga espiritu, ngan nakurug ha akon pulong” (Isaias 66: 2). An Espiritu Santo magyayakan ha mga pulong ni Jesus ha iya: “Anak, paglipay, ginpasaylo na ikaw tikang ha imo mga sala.” Ha pagtan-aw niya ha krus ngan ha dugo ni Jesus nga gin-ula ha krus ngan gintuto-uhan



3. AN KASINGKASING NGA NAGBABASUL

niya nga hini nga tanan ginhihimo para ha iya, nawara ha iya an kabug-at han sala kay nahibaro hiya nga ginpas-an na ni Jesus an aton kasakitan ngan kasub-anan. Hiya ginsamad tungod han aton mga pagtalapas; hiya ginpilas tungod han

aton mga karat-an, ngan iginbutang ni Jehova dida ha iya an karat-an naton nga tanan.


An Espiritu Santo ngan an gugma ha Diyos amo na an tag-iyha ha nalilimpiyohan nga kasingkasing. Ha pagkita niya ha krus upod ha pagtuo kan Jesus, ginbati niya nga hiya ginpasaylo na. Nakarawat ha iya kasingkasing an pasarig nga an dugo ni Jesus, an Anak ha Diyos, naglimpiyo ha iya tikang ha tanan niya nga mga sala (Juan 1: 7). Nagsasarig na hiya nga an natoo kan Jesus diri malaglag, kondi may ada kinabuhi nga waray katapusan (Juan 3: 16). Kay kan Jesus may katubsanan kita pinaagi ha iya dugo ngan may kapasaylohan para ha aton mga pagtalapas sugad ha grasya ha Diyos (Ef. 1: 7). An lugar ha makasasala nga kaipa ha unod ginliwanan na ha matuod nga tinguha han pagkinabuhi para ha Diyos ngan ha pag-alagad ha Iya nga amo an una nga nahigugma ha aton. An Diyos na an iya ginbigugma ngan an mga butang nga diyos-non, diri na an iya ha kalibutan.

Sanglit hini nga ladawan aton nakikita an mga mananap nga naglaladawan han sala ngan aada na ha gawas han kasingkasing. Hi Satanas man diri naruruyag ha pagbaya han iya urokyan. Aada hiya nagpanlingi ngan naglalaum nga makakasakup pag-utro. Amo hito an hinungdan ha pagpasidaan ni Jesus ha aton ha pag-agma ngan pag-ampo. Aatuhan ta an yawa basi hiya magdadalagan tikang ha aton.

AN IKA-UPAT NGA LADAWAN

Hini an ladawan han usa na nga kristohanon nga may ada kalinaw ngan kaluwasan pinaagi han pag-antus han aton Gino-o ngan Manluluwas nga hi Jesu Cristo. Sanglit hiya waray na iba nga gindadayaw gawas ha aton Gino-o nga hi Jesu Cristo, ngan bahin ha kalibutan ginransang na ha krus (Gal. 6: 14). Namatay hi Jesus ha krus basi kita mamatay ngadto ha sala ngan mabubuhi ngadto ha pagkamatadong (1 Pedro 2: 24). Hini an usa ka kristohanon nga patay ha mga butang han kalibutan. Ginsumatan kita nga “mangawi kamo sugad ha Espiritu ngan kamo diri magsusgot ha kaipa han unod” (Gal. 5: 16-25).

Hi Jesus gingapus ha krus ngan ginhuba-an ha iya bisti nga aton makikita ha ladawan ha kasingkasing; sugad man han latigo ngan balbagan. nga gindadapat nira ha Iya. Ginsa-samaran hiya tungod ha aton kalapasan, ngan tungod kay ha kastigo han aton pakigdait dida ha igbaw ha Iya. Gintamay hiya ni Herodes ngan han mga tawo, ngan pagkatapus nira



4. IGINRANSANG UPOD NI CRISTO

pasiparahi, ira ginkuronahan hin tunok, diri bulawan nga kurona, ngan ginpakaput hiya hin baston nga bagakay, diri ha baston nga na-aangay hin usa ka hadi. Niyan nagluhod hira han iya atubangan basi la ha pag-intrimis ha Iya, ngan siniring pa hira: “Mabuhay an Hadi han Hudiyo!” Ngan gintuprahan nira hi Jesus ngan kinuha ha Iya an baston nga bagakay ngan ginballbag hini ha Iya ulo. Pagkatapus han ira pag-intrimis ha Iya, gindara hi Jesus basi pagpapakuon nira hiya ha krus.

May ada damo nga ginngangaranan nga mga kristohanon nga nag-aampo ha sakup ha simbahan ngan nagkukumulgar han baraan nga panihapon ha Gino-o ngan nagdadayaw ha Diyos pinaagi ha mga karantahan, pero ira iginransang an Manluluwas pinaagi han ira magra-ut nga mga buhat. “Diri an tagsa nga nasiring ha akon: Gino-o, Gino-o, makakasulod han ginhadian ha langit, Kondi an nagbubuhat han kaburot-on han akon Amay nga aadto ha langit” (Mateo 7: 21-27).

Makikita liwat naton ha ladawan an supot ni Judas nga ginsusudlan hin kuwarta. Gintrahedoran ni Judas hi Jesus pinaagi ha pagbaligya ha iya ha kantidad nga trayenta ka bug-os nga salapi, tungod kay an iya paghigugma ha kuwarta nagbihag ha iya kasingkasing ngan buta han iya hunahuna. An sulo, kadina, ngan iba pa amo an gingamit ha mga sundalo ha pagdakup nira kan Jesus ha panahon han gab-i. An dayes nga gingagamit ha sugal, gingamit liwat ha mga sundalo han ira pagsugal kon hin-o an magtatag-iya han panapton ni Jesus, ngan ha Sugad matutuman an tagna ha pulong han Diyos, “Ira ginbabahin an akon panapton, ngan an akon panapton ginsugal nira” (Salmo 22: 18). Ginkuha nira an ngatanan nga iya ni Jesus, pero hi Jesus ginsasalikway la nira ngan siniring pa hira nga, diri karuyag namon nga Hiya an magtututdo ha amon. An mga katawhan naruruyag hin pagkarawat ha tanan nga panalangin tikang ha Diyos, uran, ngan adlaw, pero diri gud nira karuyag hin pag-upod ha hingpit nga pagsugo ha Diyos. Para ha kadam-an, an Diyos maupay la tatawagon kon panahon ha kasamok ngan nga kasakitan han kinabuhi.

Pinaagi ha bangkaw, ginbuno ha mga sundalo an tagiliran ni Jesus, “ngan dayon paggawas hin dugo ngan hin tubig” (Juan 19: 34). Ha waray pa pagtutuga-ok han manok, ginlirong ni Pedro hi Jesus ha makatulo ka beses, pero iya hini ginbasulan ngan tinangis hin duro. Ikaw, imo ba ginpapaahayag hi Jesus pinaagi ha atubangan han mga tawo? Hi Jesus nagsiring: “Busa bisan hin-o an magtutug-an ha akon ha atubangan han mga tawo, akon itutug-an man hiya ha atubangan han akon Amay, nga aadto ha langit. Kondi bisan hin-o an maglirong ha akon ha atubangan han mga tawo, akon man

iglilirong hiya ha atubangan han akon Amay, nga aadto ha langit” (Mateo 10: 32-33).


Hi Jesus nagsiring: “Ngan an diri magpapas-an han iya krus, ngan sumunod ha akon, diri takus ha akon” (Mateo 10: 38). Bulahan hadto nga nagtitindog ha igbaw ha bato, nga amo hi Jesu Cristo!

AN IKALIMA NGA LADAWAN

Hini nga ladawan nagpapkita ha ginlilimpiyohan ngan ginbabara-an nga kasingkasing ha makasasala ngan naluluwas tungod ha grasya ngan kalooy ha Diyos. Hini nahihimo na nga matuod nga templo ha Diyos.

An urokyan ha Diyos nga Amay, an Anak, ngan an Espiritu Santo, sugad ha ginsaad ha Gino-o Jesu Cristo, “Bisan hin-o an nahigugma ha akon, hiya nagbabantay han akon pulong, ngan an akon Amay nahigugma ha iya ngan makadto kami ha iya ngan aada kami nag-uukoy dida ha iya.” An Diyos nagbebendesyon ha tawo nga iya iginpapataas ni Jesu Cristo. An kasingkasing amo na an matuod nga templo ha Diyos. An sala ginpapaiwas na. An Espiritu Santo ha kamatuoran an nag-uukoy ha kasingkasing diri na an nagkadurodilain nga mga mananap nga ginhahadian ni Satanas nga amo an amay han mga buwaon. An kasingkasing nahihimo na nga usa nga gigi-upayi ngan mabubungahon nga kahoy, diri na hiton usa ka gindudomtan nga urokyan hin sala. Hini nga kasingkasing nagbubunga hin bunga han Espiritu, sugad ha gugma, kalipay, kamurayaw, pailub, pagkamaloloy-on, pagkaupay, pagkaminumanon, kaaghop, pagpugol ha kalugaringon, ngan iba pa nga nakakalipay ha Diyos ngan ha tawo. Hiya yana amo na an mabubungahon nga sanga ha matuod nga tanum parras ha aton Gino-o Jesu Cristo. An iya pagkasugad nga mamumungahon hin duro amo hiya nga nagpapabilin dida kan Cristo, ngan “hi Cristo ngan an iya pulong nagpapabilin dida kan Cristo, ngan “hi Cristo ngan an iya pulong nagpapabilin dida ha iya” (Juan 15:1-10). Sugad hiya nga nabun-yagan han Espiritu Santo, ngan may ada na niya gahum ha pagdaug han kalibutanon nga kaipa ha unod ngan ha pagran-

sang nga dati han pagkatawo. Pinaagi ha gahum han Espiritu Santo, makakahimo na hiya paglakat dida ha Espiritu nga maganahon kontra ha Karat-an nga tinguha ha unod. Waray na hiya magkikinabuhi pinaagi ha iya nakikita, nababatian, pero pinaagi ha pagtuo kay an pagtuo kan Jesu Cristo amo an ka-



5. AN TEMPLO HA DIYOS

daugan ngan kalampusan kontra ha kalibutan. Nagkinabuhi hiya pinaagi ha masarigon ngan diri naiisdug nga paglaum. Ginhimo hiya nga masarig ha mahimaya-on nga paglaum tubtob han pag-abot ha aton Gino-o Jesu Cristo. Nagkinabuhi hiya upod ha gugma ha Diyos, ngan magpapadayon tubtob ha

waray katapusan. “Bulahan an mga maputli ha kasingkasing kay hira makakita ha Diyos” (Mateo 5:8). Hi Hari David bisan ha ngatanan niya nga mga bahandi ngan kadungganan kontra ha iya mga kaaway, nahibaroan niya nga may ada labi kamadako nga kasamok ha sakop ha iya kasingkasing. Tungod ha iya dako nga pagkikinahanglan, ha kinasingkasing nga pag-ampo: “Himoa ha akon, O Diyos, in usa nga kasingkasing nga matalinis ngan pagbag-uhi ako hin matadong nga espiritu ha sakub nakon” (Salmo 51:10).

Bisan hin-o waray makakalimpiyo ha iya kalugaringon nga kasingkasing, gawas nga hiya magpapaharani ha Diyos ha matuod nga pagbasul. Andam an Diyos hin pagbuhat han bag-o nga nga butang ha imo kinabuhi. Bisat tatapakan mo an gisi ngan dunot mo nga bisti ha imo kalugaringon nga pagkamatadong pinaagi ha imo mga saad ngan panumpa, diri hini makakahimo ha imo kasingkasing nga usa ka angay nga urokyan han Diyos. Hiya la an makakabulig ha imo kay hiya amo an nagsasaad, “ngan ako magbibiribis hin malinis nga tubig ngada ha iya, ngan kamo magmamalinis: tikang ha ngatanan niyo nga pagkamahugaw, ngan tikang ha nga tanan niyo nga mga diyos-diyos, akon kamo paglilinis. Akon liwat kamo tatagaan hin bag-o nga kasingkasing ngan an bag-o nga espiritu ibubutang ko dida ha iyo; ngan akon kukuhaun an batuhon nga kasingkasing tikang ha iyo unod, ngan akon kamo tatagaan hin kasingkasing nga unod. Ngan akon ibubutang an akon Espiritu dida ha iyo, ngan papapaglakton ko kamo dida ha akon mga kasuguan, ngan kamo magbabantay han akon mga lagda, ngan magbubuhat ha ira” (Ezekiel 36:25-27). Amo hini an kahulugan han Bag-o nga Tugon, nga ginrig-on ha Diyos pinaagi ha dugo han Iya Anak, nga hi Jesu Cristo.

Makikita liwat naton hini nga ladawan an balik han anghel. Gintatagaan an mga anghel hin buruhaton ha pag-alagad ha ira nga mga manununod ha kinabuhi nga waray katapusan, ngan nagpapahaluna ha paglibut ha mga nagkakahadlok ha Iya (Salmo 34: 7; 91: 11; Dan. 6: 22; Mateo 2: 13; 13: 19; 18: 10; Buhat 5: 19; 12: 7-10).

Makikita naton an yawa nga nagtitindug harani ha iyo kasingkasing nga nagbabantay nga maabut an kahigayonan mosakup hiya ha sadto nga urokyan niya. Busa kita ginpasidan-an ha pag-agma ngan pag-ampo kay an aton kaaway nga amo an yawa naglilinakat sugad hin maaringasa nga leyon nga nagpipinamiling han iya kaka-unon (1 Pet. 5:8). An yawa nagbibisti ha pagka-anghel ha kalamrag ngan nagtetentar ha diri mabinantayon nga magtoto-o nga may ada kaipa ha kalibutan. An yawa naniniguro ha paglimbong ha mga pinili, pero kon aton aatohan an yawa, “hiya mokaratil ha pagdalagan tikang ha aton” (Jacobo 4:7).

AN IKAUNOM NGA LADAWAN

Hini amo an masurob-on nga ladawan han usa nga nagbalik ngadto ha sala. An usa ka mata waray na mapukrat. Nagpapakita hini nga katurogon an iya pagkakristohanon nga kinabuhi.

An kaluyo nga mata nagpapasabut nga hiya may ada niya pagkita ngan pagkaipa ha kalibutan. Nagsisirum na an kalamrag ha sakup ha iya ngan an mga tigaman ha iya kasingkasing nga kunta amo hini an pagka-andam niya ha pag-antus upod kan Cristo. Ginlilibutan hiya han mga tentasyon nga nagpapa-ilarum ha iya ngan waray na hiya pag-ato. Waray na hiya mamati ha tingug ha Diyos, kondi amo na lugod an ginpapamatian an yakan han maninintar. Bisan nagsisimba hiya pinaagi ha pagka relihiyoso, namiminit na an gugma ha Diyos ha iya kasingkasing. Nababahin an iya duduha nga hunahuna ngan nabuburongan hiya kon hin-o an iya sundon. Bisan ha kahimo nga may ada niya paghigugma ha Diyos, pero hiya nagpakig-upod na ha kalibutan. An bitoon ha iya kasingkasing nga amo an konsensiya nagtitikaparong na. An krus nga sadto anay ginpapas-an niya nga malipayon nahihimo na yana nga mabug-at nga paras-anon. Nagruhaduha na hiya ha iya pagtuo, ngan waray na hiya magyakan ngadto ha Diyos pinaagi ha pag-ampo, ngan waray na hiya manginano han kahimo han iya kasingkasing. Iya na gintataga-an an maninintar hin higayon nga naghuhulat ha gawas ha iya kasingkasing. Mali

payon hiya nga nakikig-upod ha mga tawo nga kalibutanon ngan diri na hiya nakikigtingub ha matuod nga magtotuo.

An espiritu ha pabo matuod nga ladawan ha pagkamahitas-on nga harani na ha pagsulod ha kasingkasing. Nalilimot hiya nga ginluwas hiya pinaagi la han grasya, sanglit nahihimo na hiya nga mapahitas-on nga kristohanon. An pagkaparahubog nagtutuktok ha pintu-an kay naruruyag nga mahingadto



6. AN GINTENTAR NGAN NABABAHIN NGA KASINGKASING

ha sulod. Hini nahihitabo ha mga kalipayan upod ha iya kalibutanon nga mga kaupod kay naaalo hiya nga tatawagong nga makakatawa, maluya nga waray pakig-uyon ha ira, ngan an yawa maghuhuring ha iya nga bubuhaton niya hiton kay diri

man hiton nakakaraut han iya espirituhanon nga kinabuhi hini nga panahon. Babati-on niya an mahugaw nga hunahuna ngan makakasala nga kaipa ha unod. An iya karuyag amo an mga yakan nga imoral, nagkikita han mga maglaw-ay nga retrato, ngan pelikula, ngan malipayon nga pakig-upod ha mga tawo nga imoral an kinabuhi. Permi na la hiya makikita ha mga sarayawan ngan ha magra-ut nga kalipayan. Iya gin dadakup an mga yakan ha yawa nga hini nga mga bagay diri sala.

Ha matuod diri naton malikayan an paglupad ha ihalas nga mga langaw ngan mahugaw nga hunahuna ha aton ulo, pero makakasala kita kontutugutan naton hira pagtugpa ha aton kasing kasing tubtub magpipiso didto ha ira yawan-on nga mga buhat. Kon tutugotan naton an yawa pagkaput ha aton usa nga tutdo, masisiguro gud nga matatag-iy a niya an aton bug-os nga kasing kasing, ngan magdadara ha aton kalag ngan espiritu ngadto ha waray katapusan nga impierno. Sanglit an Diyos nagpapasidaan ha aton ha paglikay ha kalibutan nga kaipa dida ha kabatan-on ngan diri isipon nga tiaw la an sala, bisan ano nga sala nga maabot ha aton. Dalagan dayon ngadto kan Jesus, an Manluluwas ngan Mananaug.

An tawo nga makikita ha ladawan nga nagtutuslok hin punyal ha kasingkasing naglaladawan ha mga nagtatamay ngan nagkontra ha imo pagkakristohanon. Pinaagi ha ira dila ngan matatamayon nga baba, ira gin bubuno ngan ginsasamaran an kasingkasing, ngan han kristohanon nga pagaataki nga diri maatuhan han nababahin nga kasingkasing. Nagtitikang na an iya kahadlok ha tawo kay ha Diyos. Tungod ha kahadlok ha tingug han tawo nahihimo hiya nga uripon ha tawo ngan nagpapaharayo hiya ha Diyos. An kasina ngan karat-an nga naruruyag magpapaibabaw ha oras han kasamok ngan kapirdihan, naniniguro hira ha pagpapaibabaw ha oras han kasamok ngan kapirdihan, naniniguro hira ha pagpapasakup. Nakakamang hin waray ruhaduha hiton yawan-on nga halas ha pagpangabugho ngan babation han tawo nga an iba labaw pa nga mauswagon. Kon hini makakasulod ngan maaabrihan na an pultahan han kasing kasing, makakasulod liwat an sala ha pagdumot ngan pagkamapahitas-on.


Masayon kaupay an gugma han salapi ha pagkamang nga makakasulod ha aton kasingkasing gawas kon sundon naton an pasidaan han aton Gin-o Jesu Cristo ha Iya pagsiring, “Magbantay kamo ngan mag-ampo basi diri kamo mahulog ha pagsulay” (Mateo 26:41). Sanglit an naghunahuna nga nagti-tindog hiya magmamatngon bangin mapukan hiya (1 Cor. 10: 12). “Magsul-ot kamo han bug-os nga hinagiban han Diyos, basi nga mahimo kamo hin pag-atubang kontra han mga lim-bong han yawa” (Ef. 6:11-18).

AN IKAPITO NGA LADAWAN

Hini nga ladawan nagpapakita ha aton kasingkasing nga nagbalik ha sala. Pagkatapus hiya mahayagi ngan mahatagi ha langitnon nga grasya ngan makaambit ha mga gasa ha Espiritu Santo, nahulog na liwat ngan binalik ha sala. Hini amo an kahimtang han tawo nga waray magtikang ha pagbasul ngan waray makig-upod ha Diyos bisan pa nga ginpadayag na ha iya an kamatuoran han Ebanghelyo, an ginngaranan nga MAUPAY NGA SUMAT. An tawo nga matig-a an kasingkasing ha mga tawag ha Diyos ha iya, naglalabi kamara-ut bisan naniniguero hiya ha pagbag-o ha iya kalugaringon.

Bahin ha tawo nga nabalik ha sala ngan karat-an, ginladawan ni Jesus an amo nga kahimtang han tawo ha iya pagsiring, “Ngan han paggawas han espiritu nga mahugaw tikang ha usa nga tawo, nag-aagi ha magwara nga mga lugar, ngan nanmimiling hin parahuwayan, ngan kay waray pakaagi, nasiring: Ako mabalik ha akon balay nga diin ako tikang, ngan han pagbalik iya hin-agian nga sinilhigan ngan rinayandinayan na. Niyan naglalakat hiya ngan nagd&dara hin pito nga espiritu nga marumaraut pa ha iya ngan nanulod ngan nangukoy didto: Ngan katapus hadto nga tawo naginmarumaraut pa han tinikangan (Lukas 11:24-26). Hini nahahanabu ha ira ha matuod nga higaday, an ayam binalik ngahaw ngadto ha iya iginsuka, ngan an anay nga nahigas ha paglabug ha lagay (2 Pedro 2:22). Mahayag kaupay an iginpasabut hini nga mga pulong ha kasuratan an kahimtang han tawo nga binalik ha sala o pagdumiri ha pagbasul. An sala upod ha iya paglimbong

nabalik basi ha pagukoy ngan paghadi ha kasingkasing. Bisan pa an nawong han tawo nagpapakita ha kahimtang ha iya kasingkasing. An **ESPIRITU SANTO**, an buotan nga salampati, napuwersa ha pagbaya ha kasing kasing kay an sala ngan an **ESPIRITU SANTO** mahihimo ha pagtig-up ha pag puyo. Diri mahihimo nga an kasingkasing hihimo-on nga templo ha Diyos nga lungib liwat ni Satan. An anghel, an pulong ha



7. AN KASINGKASING NGA NABALIK HA SALA

Diyos, kinahanglan mabaya nga mabiduon, naglilingi pa gud ngan naglalaum nga an tawo magbasul sugad ha anak nga nawara. “Ngan karuyag kunta han iya tiyan an pagkaon han mga pinaraut, ngan kinaun han mga kabaktinan; ngan waray usa nga hinatag ha iya. Ako mobuhat ngan mokadto ha akon

Amay, ngan masiring ha iya: Amay ako nakasala kontra ha langit, ngan ha atubangan nimo. Diri ako angay tawagon nimo nga anak” (Lukas 15:16, 18, 19). Ha pagkakita ha amay ha iya anak nga nagbabasul, ginpasaylo niya ngan gin-karawat ha ira urokyan.

An ladawan hini nga kasingkasing waray magpakita ha matuod nga pagbasul bisan ha pagbalik ngadto ha Diyos, bisan pagpangaro hin pasaylo ha tiilan ni Jesus. Sugad ha napasao ha binaga nga puthaw an iya konsensiya. May ada mga talinga hiya pero diri ha iya mabati an tingug ni Jesus. May ada hiya mga mata pero waray niya makikita an impierno nga ada ha iya tiil nga abyerto ngan andam ha pagkarawat ha iya. Waray na hiya pagbati ngan kaawod ha iya mga sala. Hi Satanas na an naghadi ha iya kasingkasing ngan naglingkud sugad nga hadi ha iya trono. Bisin hiya mapahitas-on nga iya ginpakita ha mga katawhan pinaagi ha iya kaligdong ngan pagkatalahunon, pagkareliheyoso sugad ha busag nga pantiyon, kondi sugad kamo han pinabusag nga mga lurubngan, nga ha gawas matahum, kondi ha sakub puno hin mga tul-an han mga patay nga mga tawo, ngan han ngatanan nga mga kahugawan (Mateo 23:27).

An amay han mga buwaon amo na an nag-angkon ha lugar han ESPIRITU ha kamatuoran. Gin-updan ha mga pini-li nga demonyo ngan mahugaw nga espiritu, an kada mananap, ngan kada sala ngan hira amo na an nagtag-iya ka kasingkasing. Bisin pa karuyag ha tawo pagluwas ha iya kalugaringon tikang han mga maraut nga nagsakit ha iya waray hiya hin mahimo kay gingapus na hiya nira. “An tawo nga nagtalarapas han kasugo-anan ni Moises nga testigohan hin duha o tulo, mamatay hin waray kalooy. Mati-onan-o pa ba kabug-at nga sirut sugad ha iya ginhunahuna, nga paghuhukman hin takus an nagtamak ha Anak ha Diyos, ngan nag-isip nga an dugo han tugon, diin hiya ginpakaputli, mahugaw nga bagay, ngan nagpasipara han Espiritu han grasya?” (Heb. 10:28, 29; Pedro 1:14).


Kon ugaring an imo kasingkasing nasugad ha kahimo hini nga ladawan, mahal nga sangkay, ayaw pag-iha, dangop

yana ha Diyos tikang ha ilarum han imo kasingkasing. Mahihimo Niya an pagluwas ha imo ha hingpit ngan andam ha pagpasaylo ha imo tikang ha tanan mo nga mga sala. Mahihimo Niya an paggapus ha yawa ngan han tanan nga panon ha kasisidman ngan abugon hira gawas ha imo kasingkasing kon ikaw matugot ha Iya paghimo hini. Magpaharani ka ha Iya sugad ha ginhimo ha lasarohon nga nagpaharani kan Jesus ngan nasiring, “Kon buot ka, makahinlo Ikaw ha akon”. Hi Jesus nagbaton: “Karuyag ko, malinisan ka” (Markos 1:40-41). Pero kon nagpapadayon ka ha pagkamatig-a ha imo kasingkasing ngan amo an higugmaon an kasisidman kay ha kalamrag, niyan waray ka paglaum, ngan waray panabang; kay an kamatayon amo an imo ginpili kay ha kinabuhi kay an suhol han sala amo an kamatayon (Roma 6:23).

AN IKAWALO NGA KASINGKASING

Makikita naton dinhi hini nga ladawan an matig-a nga kasingkasing han usa nga makasasala nga naglanganlangan ha pagkarawat han iya kaluwasan. Nagpakadto hiya ha kamatayon nga hiya puno hin kasakit, an iya lawas ngan an iya kalag puno ha kahadlok ha kamatayon. An kamatayon hinabot (an kalabera) ha oras nga waray hunahunaa. Waray na an malimbongon nga kalipay nga ginhatag ha iya sala, ngan amo na an iya gin-atubang nga kalipay nga ginhatag ha iya sala, ngan amo na an iya gin-atubang an maraut nga kamatuoran ha kahadlok ngan bayad ha sala. Naghuhulat an biktima ha kasakit ha impierno. Bisan pa nga karuyag niya nga mag-ampo, pero waray na makahimo hin yakan ha Diyos kay an gugma ha Diyos iya na ginpagawas. An iya kasangkayan waray na magtatan-aw ha iya kay diri na hira makakabulig ha iya. An iya salapi nga nakuha ha maraut nga paagi waray pakakabulig ha pagluwas ha iya kalag, ngan waray pakaka bulig han kasakit nga iya ginbati. Nagkuri hiya paghunahuna ha Diyos kay diri hiya totogutan ha yawa paghimo hito. Masugadsugad nga hiya gintatamay ha mga butang nga sadto anay iya ginhigugma ngan ginpaka buhayon. Waray hin tawo nga makakabulig ha iya tungod kay ginsalikway niya an grasya han Diyos ngan nahulog hiya ha tunglo ha balaud. Maaram na hiya nga makalilisang nga bagay an kahulog ngadto ha mga kamot han buhi

nga Diyos (Heb. 10:31). Naglanganlangan hiya kay naglalaum pa hiya nga makighusay ha Diyos ha iba nga adlaw o kon tika harani na an kamatayon. Pero nakaaram hiya nga urhi na an tanan. Yukot ka yukot nga mga tawo an nangangamatay ngan



8. AN ALAUT NGA MAGPAKASASALA

waray na hira higayon ha pagdangop ha Diyos. Sanglit kinahanglan gud an pagpamiling ha Diyos samtang makikita pa hiya. An makalipay ngan makaluwas nga mga pulong ha Diyos

diri na mabati hini nga makasasala nga nagsalikway ha grasya ngan gugma han Diyos ha buhi pa hiya. An tingug ha maghuhukom amo na an iya nabati ngan han Manluluwas nga iya ginsalikway nga nagsiring: “Iwas kamo tikang ha akon, mga magraut gud, ngadto ha kalayo nga waray katapusan ngan igin-andam ha yawa ngan han iya mga anghel” (Mateo 25:41). “Ngan ha pagkaagi nga igintundan ha mga tawo an kamatay hin makausa la, ngan an masunod hini amo an paghukom” (Heb. 9:27).

AN IKASIYAM NGA LADAWAN

Nagpapakita hini nga ladawan ha usa nga kristohanon nga nag-antus pero nagmadaugon ha pagsulay ngan pagtentar. Ginlibutan hiya han mga pag tentar pero nagpabilin hiya nga marig-on ngan matinud-anon tubtob ha katapusan ngan nahimo nga madaugon tungod ha kan Jesu Cristo. Nagmadaugon hiya ha kristohanon nga rumba ngan nagpapadayon hiya pagdalagan nga mapailubon ngan waray hiya magkikita ha wala ngan ha too kondi nagtutulok la “ngan naghanged ngadto ha kan Jesus nga amo an tinikangan, ngan maghiringpit han aton pagtoo” (Heb. 12:1, 2).


Ginlibutan ni Satanas ngan ha tanan niya nga panon an kasing-kasing ha magtotoo. Waray hin nahihimo an ira pagpaningkamot ha pagpa simang ha Anak ha Diyos. Aadi liwat dinhi ginlaladawan an pagkamapa hitas-on, paghigugma ha salapi, an yawan-on nga imoralidad ngan iba pa nga mga sala. Makikita naton an asno, diri na leopardo kay an sala perme na la nagtetentar ha aton ha nagkadurodilain nga paagi ngan han makikita naton ha ladawan. Nagsusul-ot hini ha nagka durodilain nga ngaran. Pero masayon la maaraman ha mabinantayon nga kristohanon an sala bisan pa hini nagpapaharani ha iya han ngaran ha relihiyon, o sugad ha usa ka anghel ha kahayag, kay an pulong ha Diyos ngan Espiritu ha kamatuoran nagmamando ha iya ngadto ha tanan nga kamatuoran. Aada pa an usa ka tawo nga nagkukupot hin usa nga baso han alaksiyo basi pagtentar han kristohanon han mga kabasohan alaksiyo basi pagtentar han kristohanon han mga kalingawan ha kalibutan. Pero waray hini magdadaug ha mami-

nutod-on nga kristohanon kay ginrangsang na hiya upod kan Cristo ngan patay na ha sala ngan ha kalibutan. An ikaduha nga tawo ha ladawan nagbubuno ha kristohanon hin magraut nga mga pulong ha pagmaraut ha dongog, libak, tamay, ngan mga hulga ha mga kaaway ha Diyos an perme nga nagbubuno ha kasingkasing han matuod nga magtotoo. Kadam-an an nagngangaran ha ira kalugaringon nga mga kristohanon amo an naghihimo hini. Pero an matuod nga kristohanon patay na ha bisan ano nga yakan ha mga tawo ngan an pulong ha Diyos amo la an mahinongdanon ha iya. Perme hiya naghihinumdom han mga pulong ni Jesus, “Bulahan kamo kon kamo pagdurongasan, ngan kon pagtatamayon, ngan kon pagyayaknan ha ngatanan hin magraut nga buwa kontra ha iyo tungod la ha Akon. Magkalipay ngan maghimaya kamo, kay dako an iyo balus ha langit kay amo hini an ira pagtimarat-i han mga manaragna nga una ha iyo” (Mateo 5:11, 12). Naniniguro an sala ha ngatanan nira nga mahihimo, an unod, ngan an yawa basi pagbulag han kristohanon tikang ha gugma han Diyos.

Pero han bug-os nga kalipay ngan pasarig hiya magyayakan, “Hin-o ba an makakabulag ha aton tikang ha gugma ni Cristo? An kaguol o an kasakit? o an kagutom, o an kahubo, o an kataragman, o an hinagiban ba?” (Roma 8:35). Diri lugod hini ngatanan nga mga bagay labi pa kita han magdadaug tungod hadton nahigugma ha aton (Roma 8:37). Kay ginsulot na niya an bug-os nga hinagiban ha Diyos, ngan makakato na hiya ha adlaw nga magraut ngan magmadaugon kontra ha tanan nga tentasyon pinaagi kan Jesu Cristo nga mipukan ha tanan nga pagsulay ngan pagtentar. Pinaagi ha iya kita liwat magmadaugon ngan magkakaada hin korona ha himaya.

Makikita nga malamrag an bitoon ha iya konsensiya. Puno ha pagtuo ngan ha Espiritu an iya kasingkasing. An angel nga naglaladawan ha pulong ha Diyos, nagpapahinumdom ha iya han birilhon nga saad ngadto ha ira nga nagma-madaugon ngan nagpapadayon tubtob ha waray katapusan. “Ha iya nga makadaug, Ako’n hiya pakaonon ha kahoy han kinabuhi, nga aada ha paraiso han Diyos. An makadaug diri hiya paghibangon han ikaduha nga kamatayon. Ha iya nga

makadaug, Akon hiya tatagan hin tinago nga mana, ngan tatagan hin busag nga bato nga may sinurat nga bag-o nga ngaran, nga waray usa nga tawo nga maaram hito kondi hiya la nga makarawat hiton. Ngan an makadaug ngan magtitipig



9. AN MAGANAHON NGA KASINGKASING

han akon mga buhat, tubtob ha katapusan, tatagaan ko hiya hin kagamhanan ha mga nasud. An makadaug pagpapanap-tunan hin busag nga panap ton: ngan diri ko papanason hiton iya ngaran ha basahon han kinabuhi, ngan igtutug-an ko hiton

iya ngaran ha atubangan han akon Amay, ngan ha iya mga anghel. An makadaug, hihimoon ko hiya nga harigi ha templo han akon Diyos, ngan diri hiya maguwa tikang didto. An makadaug, tutugotan ko hiya nga lumingkod upod ha akon lingkoranan nga hadianon, sugad nga nagdaug ako ngan naglingkod ako upod ha akon Amay ha iya lingkoranan nga hadianon" (Pinadayag 27, 11, 17, 26; 3:5, 12, 21).

AN ABYERTO HA KUWARTA — nagpapakita nga an iya kasingkasing ngan an iya kuwarta gihalad niya ngadto ha Diyos. Waray hiya magkaragkarag ha iya katigayonan dinhi ha tuna, kon diri andam hiya pagbulig ha mga kablas, naghahatag hin diyos porsento ha iya binuhayan ngan naghahalad ha iya ngatanan nga mga butang ngadto ha Diyos. Gingamit niya an ngatanan alang ha himaya ha Diyos.

AN TINAPAY NGAN AN ISDA — nagpapasabot nga naguukoy hiya ha malinis ngan maligdong nga kinabuhi. Waray niya paghuhugawi an iya kalugaringon pinaagi ha makahubog nga irimnon, o pagkaon, ngan dugo, o ha mga mananap nga gin-ihaw nga waray mag-agas an dugo, o ha bisan ano nga mahugaw nga pagkaon. Waray hiya magkaragkarag ha iya kuwarta. Waray niya paghuhugawi an iya lawas nga amo an templo ha Diyos, pinaagi ha pagmama o pagsigarilyo, ngan pagtabako. Waray hiya maggamit ha mga tabletas o tambal nga makakaraut ha lawas. An malimpiyo la an iya ginkakaon nga may ada sustanseya ngan makaupay ha lawas nga pagkaon. Nahihimo nga balay ha pag-ampo an iya kasingkasing. Perme hiya nga nagsisimba bisan maupay o diri an panahon o bisan ano an mahitabo. Perme hiya naruruyag ha pag-ampo ngan bubuhaton niya hiton ha simbahan, o ha balay upod an iya pamilya, o kon hiya la usa, kay maaram hiya nga diri mahihimo han usa nga kristohanon kon waray pakighiusa ha Diyos pinaagi ha pag-ampo.

AN ABYERTO NGA LIBRO — nagpapasabot han pag-abre han Bibliya para ha iya pagbasa ha kinaadlaw. Iya hini

ginbabasa ngan gin-aaraman kada adlaw ngan makakita hiya hin kaaram, karig-on, kinabuhi, kalamrag nga diri ikayakan nga bahandi tikang ha Bibliya. Nahihimo hini nga usa ka ilaw nga naglalamrag ha iya ha pagpitad, ngan hin usa nga espada nga diin madadaug niya an iya mga kaaway. Usa hini nga espirituhanon nga tinapay kada adlaw para ha iya kalag, tubig nga nagpapakontento ha iya kauhaw ngan naglilimpiyo ha kahugaw, ngan usa nga salamin diin makikita niya an iya kalugaringon.

Malipayon hiya nga nagpas-an ha krus kay maaram hiya nga kon waray krus waray man liwat hin korona nga iya maa-angkon. Tungod kay an kinabuhi, an langitnon nga butang amo na an iya ginpapakita nga butang nga waray katapusan ngan diri makikita. Andam hiya ha pagtagbo ha Diyos. Nahahanugad hiya hin kahoy nga gintatanom ha ligid han mga diri malalaya. Waray hiya kahadlok ha kamatayon kay napuno an iya kasingkasing ha hingpit nga gugma ha Diyos, nga nakarawat niya pinaagi ha ESPIRITU SANTO.”

AN IKANAPULO NGA LADAWAN

Hi Jesus siniring: “Ako amo an pagkabanhaw, ngan an kinabuhi, an nagtotoo ha Akon, bisan hiya patay, hiya mabubuhi. Nga an ngatanan nga mabubuhi, ngan nagtotoo ha Akon, diri mamatay” (Juan 11:25, 26). “Kon hin-o an namamati han Akon pulong, ngan nagtoo ha nagsugo ha Akon, may kinabuhi nga waray katapusan, ngan diri paghuhukman hin sirot kondi inagi na ha kamatayon ngadto ha kinabuhi” (Juan 5:24).

An kristohanon waray na kahadlok ha kamatayon. An kamatayon ginlamoy han pagdaug. O, kamatayon hain na an imo pagdaug? O, kamatayon hain na an imo sugod? Salamat



10. AN MAHIMAYA-ON NGA PAGPAULI

ha Diyos, nga naghahatag ha aton hin pag daug pinaagi ha aton Gino-o Jesu Cristo (1 Cor. 15:54, 57).

A SPECIAL WORD FROM ANGP
UN MONDE SPÉCIAL DE L'ANGP
UMA PALAVRA ESPECIAL DA ANGP

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from www.angp-hb.co.za or as an APP "Heart of Man" on Android phones.

Le livre du "Coeur de l'homme" peut être obtenu en plus de 538 langues et dialectes parlés dans le monde entier, à savoir: Afrique, Amérique, Asie, Extrême Orient, Europe. Notre Livre du Coeur est maintenant aussi disponible sur votre Téléphone cellulaire, tablettes, etc. de www.angp-hb.co.za ou comme une Application "Heart of Man" sur téléphones Android.

Este livro "O Coração do Homem" é obtido em mais de 538 línguas e dialetos falados em todo o mundo, a saber: (África, Ásia, América do Sul, Extremo Oriente, Europa, etc). O nosso Livro O Coração do Homem também está agora disponível em telefone celular, tablets, etc. de www.angp-hb.co.za ou como um aplicativo "Heart of Man" nos telefones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent être obtenues en tableaux de couleur, format 86 x 61 cm, avec des physionomies européennes ou africaines. Ils peuvent être utilisés en même temps que le livre du coeur pour des classes bibliques, a

l'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.

As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtidos com caracterfsticas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradecemos que nos contacta- se para confirmacao do ultimo preco dos cartazes.



Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.

Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.

Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras lnguas. Vossa assistencia sera muito apreciavel.

Se tem encontrado a salvacao em Cristo, ou se tem sido abençoado por intermedio da nossa literatura evangelica, faca o favor de nos

informar. Pois nos gostaríamos de agradecer a Deus juntamente convosco, e lembra-lo sempre em nossas oracoes.



For free Gospel literature, books and tracts in over 538 languages, write to:

Pour obtenir gratuitement de la litterature evangelique, des livres et des traites en plus de 538 langues, ecrivez a:

Para obter gratufamente a literatura evangelica, livros e folhetos em mais de 538 lnguas diferentes escreva para:

ALL NATIONS GOSPEL PUBLISHERS

P.O. Box 2191

PRETORIA

0001

R.S.A.

info@angp.co.za

A Gospel Literature Mission financed by donations

Une Mission de litterature evangelique finacee de dons

Missao de literatura Evangelica financiada por donativos

(Reg. No. 1961/001798/08)